

**Cyngor Cymuned Y Bontnewydd**  
COFNODION CYFARFOD MISOL  
1 Rhagfyr 2018 7.00 yh Y Ganolfan, Y Bontnewydd

**PRESENNOL :**

**Cynghorwyr:** Dafydd Iwan, Emyr Williams, Math Williams, Geraint Strello, Peter Garlick, Wynn Roberts, Mirain Llwyd Owen

**Cadeirio:** Erddyn Davies

**Clerc:** Huw Llwyd Rowlands

**1. YMDDIHEURIADAU**

Dim

**2. DATGAN DIDDORDEB/BUDDIANT PERSONOL**

Dim

**3. CADARNHAU COFNODION Y CYFARFOD DIWETHAF**

Cadarnhawyd cofnodion Tachwedd 2018. Cynnig: Dafydd Iwan  
Eilio: Mirain Llwyd Owen

**4. MATERION YN CODI O'R COFNODION**

**4.1 Clwb leuenctid Bontnewydd**

Mae Cyngor Gwynedd wedi penodi dau berson lleol i fod yn gyfrifol am y Clwb leuenctid ym Montnewydd. Rhaid fydd cael gwiriadau DBS a thystlythyrau cyn eu penodi'n ffurfiol. Gobeithir medru cychwyn sesiynau'r Clwb leuenctid fel y gellir trafod ei lwyddiant ymhellach yng nghyfarfod mis Chwefror.

Bydd angen penderfynu yng nghyfarfod Ionawr os oes angen codi'r Praesept ar gyfer 2019/20 er mwyn ariannu'r Clwb leuenctid am flwyddyn, oherwydd ni fydd Cyngor Gwynedd yn ariannu'r Clwb leuenctid yn dilyn cyfnod cychwynnol.

## 4.2 Cerrig yn Afon Gwyrfa

Mynegwyd siom fod Cyfoeth Naturiol Cymru wedi dweud na fyddant yn clirio'r cerrig o wely'r afon yn groes i'w haddewid yn y gorffennol.

Gofynnwyd i'r Clerc ysgrifennu at Gyfoeth Naturiol Cymru yn mynegi anfonlonrwydd at y newid polisi yma, ac i ofyn am gadarnhâd am y gwaith atal llifogydd y bwriedir ei wneud ym Montnewydd.

## 4.3 Safle Ail-gylchu Bontnewydd

Mae Cyngor Gwynedd wedi cytuno y byddant yn cadw llygad rhag ofn y bydd sbwriel yn cael ei adael wedi i'r blychau ail gylchu gael eu tynnu o'r safle ail gylchu ym Montnewydd

## 4.4 Giat Lon Eifion

Mae Cyngor Gwynedd yn bwriadu trwsio'r giât sy'n arwain at Lon Eifion ym Montnewydd. Awgrymwyd y byddai bariau metal yn hytrach na giât yn hwylusach a gofynnwyd i'r Clerc ysgrifennu at Gyngor Gwynedd i weld a fyddai hyn yn bosibl.

## 4.5 Cadw Cymru'n Daclus

Cafwyd manylion pellach o'r grantiau posibl sydd ar gael gan Cadw Cymru'n Daclus. Erbyn y cyfarfod nesaf, gobeithir bod wedi casglu barn Age Cymru am gael rhandiroedd i'w mabwysiadau gan wahanol grwpiau ar eu tir yn eu Pencadlys ym Montnewydd.

## 5. MATERION ARIANNOL

### 5.1 Cyflog a Chostau Clerc Tachwedd 2018

£208.18 - £41.60 treth incwm = £166.58 + costau swyddfa £45.00

**Cyfanswm Gros** £253.18 y mis

**Cyfanswm Net** £211.58 y mis

### 5.2 Costau Postio Clerc £4.81

### 5.3 Balans yn y Banc 1 Rhagfyr 2018 £16,140.14.

## 6. CYNLLUNIO A MATERION CYFREITHIOL ERAILL

### Watkin Jones Cefnwerthwyd – Sylwadau cyn gwneud cais cynllunio

Cafwyd manylion cais cynllunio diwygiedig y bwriada cwmni Watkin Jones ei gyflwyno i Gyngor Gwynedd yn fuan. Mae niferoedd y tai ychydig yn uwch a'r cymysgedd o dai ychydig yn wahanol

Commented [HR1]:

Gwnaethpwyd amrywiol sylwadau a'u danfon at Watkin Jones a Chyngor Gwynedd

- Pryder am y cynnydd mewn traffig
- Pryder y bydd y datblygiad yn cynyddu'r broblem llifogydd ym mhentref Bontnewydd
- Bod angen maes chwarae ar y darn tir agored sydd yn rhan o'r safle
- Bod angen cyfraniad gan y datblygwr tuag at yr ysgol oherwydd cynnydd yn nifer y disgyblion

## 7. GOHEBIAETH

- Twristiaeth yng Ngwynedd – Cylch yr Iaith
- Arolwg Toiledau Cyhoeddus yng Ngwynedd
- Pwyllgor Un Llais Cymru
- Cronfa Peilota Gwynedd

Derbyniwyd yr uchod er gwybodaeth.

## 8. MATERION ERAILL

### 8.1 Band Eang Ardal Arfon

Mynychodd y Cynghorydd Geriant Strello gyfarfod cyhoeddus a drefnwyd gan Sian Gwenllian A.C., oedd yn trafod argaeledd band-eang yn Arfon. Mae Superfast Cymru yn gobeithio y bydd gan y rhan fwyaf o eiddo yn Arfon gysylltiad band-eang cyflym o fewn tair blynedd.

O ran y darnau hynny sydd anoddaf i'w cysylltu gobeithir y bydd hi'n bosibl cynnig grantiau i unigolion fedru cyflawni'r gwasanaeth eu hunain.

## **8.2 Canlyniad Arolwg Trefniadau Etholaethol Gwynedd**

Mae'r penderfyniad bellach wedi ei wneud gan y Comisiwn Ffiniau a Democratiaeth Leol i dynnu ward Caeathro o Gymuned Waunfawr ac ychwanegu ward Caeathro fel rhan o Gymuned Bontnewydd, gan gynyddu nifer yr etholwyr o 840 i 1053.

## **8.3 Cefnogi Eisteddfod yn Nhref Caernarfon 2021**

Cafwyd llythyr gan Gyngor Tref Caernarfon yn gofyn am gefnogaeth i dref Caernarfon gynnal Eisteddfod 2021 yn nhref Caernarfon, fel ag y gwnaethpwyd yng Nghaerdydd eleni. Cytunwyd i hyn.

## **DYDDIAD Y CYFARFOD NESAF**

**7 Chwefror** 2018 am 7 yh Y Ganolfan, Bontnewydd

